



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis, Seu Resolutio Casuum Conscientiæ

Juxta Sacram Scripturam, Canones, Et Sanctos Patres

Continens Tractatus de Sacramentis in genere; de Baptismo, de Confirmatione, Eucharistia, Sacrificio Missæ; Constitutionem Innocentii XII. super celebratione Missarum, variaque alia decreta

Genet, François

Parisiis, 1703

Q. 5. Quæ bona nobis affert tertius baptismi effectus, qui est restitutio innocentiae?

urn:nbn:de:hbz:466:1-40834

De Sacram. Baptismi. Cap. VI. 87

Quartus effectus est consecutio, seu infusio omnium virtutum & donorum. *Manifestum est*, inquit Divus Thomas, quod per Baptismum aliquis consequitur gratiam & virtutes. D. Tho. 3. p. q. 69. art. 4. in corp.

Ultimus effectus Baptismi, est apertio januæ Regni cœlestis. *Dicendum*, inquit Divus Thomas, quod aperire januam Regni Cœlestis, est removere impedimentum, quo quis impeditur Regnum cœleste introire; hoc autem impedimentum est culpa reatus pœna; ostensum est autem suprâ, quod per Baptismum omnis culpa & omnis reatus pœna tollitur. Vnde consequens est, quod effectus Baptismi sit apertio januæ Regni cœlestis. D. Tho. 3. p. q. 69. art. 7. in corp.

Quæst. 4. Baptismus producit-ne eundem effectum in omnibus adultis illud suscipientibus?

Resp. Certum est, Baptismum non producere æqualem effectum in omnibus adultis, quia enim non recipiunt cum æquali dispositione. *Adulti verò*, inquit Divus Thomas, quia per propriam fidem ad Baptismum accedunt, non æqualiter se habent ad Baptismum. *Quidam enim cum majori, quidam cum minori devotione ad Baptismum accedunt; & ideo quidam plus, quidam minus, de gratia novitatis accipiunt: sicut etiam ab eodem igne accipit plus calor qui plus ei appropinquat, licet ignis quantum est de se, æqualiter ad omnes suum calorem effundat.* D. Tho. 3. p. q. 69. art. 8. in corp.

Quæst. 5. Quænam sunt bona, quæ nobis affert tertius Baptismi effectus, qui est restitutio innocentia?

Resp. Præcipua sunt duo. Primum est remissio totius pœnæ debitæ peccatis, unde ait Eugenius in Concilio Florentino: *Effectus Baptismi est remissio omnis pœnæ qua pro culpa*

debetur. Propterea baptizatis nulla pro peccatis prateritis injungenda est satisfactio, sed morientes antequam culpam aliquam committant, statim ad regnum Cælorum & Dei visionem perveniunt. Et rationem affert Di-

D. Tho. 3. p. q. 69. art. 2. in corp. *Per Baptismum, inquit, aliquis incorporatur Passioni & morti Christi, secundum illud Rom. 6. Si mortui sumus cum Christo, credimus quia simul etiam vivemus cum eo. Ex quo patet, quod omni baptizato communicatur Passio Christi ad remedium, ac si ipse passus & mortuus esset. Passio autem Christi est sufficiens satisfactio pro omnibus peccatis omnium hominum; & ideo ille qui baptizatur, liberatur à reatu totius pænæ sibi debita pro peccatis, ac si ipse sufficienter satisfecisset pro omnibus peccatis suis.*

Alterum est, quod nobis præbet vires contra concupiscentiam, ut ait Glossa. *Per Baptismum, inquit, id agitur, ut vetus homo crucifigatur, & corpus peccati destruat; non ita ut in ipso vivente carnis concupiscentia conspersa & innata repente absumatur, & non sit, sed non obsit mortuo, quæ inerat nato.*

Quest. 6. Baptismus in voto, quem Theologi vocant Baptismum flaminis, producit eundem effectum, ac Baptismus fluminis seu aquæ?

Resp. Minimè, ut enim ait Divus Thomas: D. Th. q. 68. art. 2. ad 2. Universalis ablutio fit in perceptione Baptismi & in martyrio, propter quod dicitur, quod in martyrio omnia Sacramenta Baptismi complentur; scilicet quantum ad plenam liberationem à culpa & à pænâ. Si quis ergo Catechumenus sit habens desiderium Baptismi (quia aliter in bonis operibus non moveretur, quæ non possunt esse sine fide per dilectionem